

13. oktober 2006

UKA 2006/32

**Inatsisartut akitsuutit il.il. pillugit inatsisaasa ilaasa
allanngortinnissaat pillugu Inatsisartut inatsisissaattut siunnersuut
pillugu**

Inatsisartut Akileraartarnermut Akitsuusiisarnermullu Ataatsimiititaliaata

ISUMALIUTISSIISSUTAA

siunnersuutip appassaaneerneqarnerani saqqummiunneqartoq

Inatsisartut Akileraartarnermut Akitsuusiisarnermullu Ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Augusta Salling, Atassut (siulittaasoq)
Inatsisartunut ilaasortaq Agnethe Davidsen, Siumut (siulittaasup tullia)
Inatsisartunut ilaasortaq Lars Emil Johansen, Siumut
Inatsisartunut ilaasortaq Agathe Fontain, Inuit Ataqtigiit
Inatsisartunut ilaasortaq Lene Knüppel, Demokraatit (sinniisussaq)
Inatsisartunut ilaasortaq Tommy Marq, Siumut (sinniisussaq)
Inatsisartunut ilaasortaq Jens Lars Fleischer, Siumut (sinniisussaq)

UPA 2006-imi siunnersuummik siullermeerineq tunngavigalugu inatsisisatut siunnersuut nassuiaatitaalu kiisalu tusarniaanermi akissutitut tiguneqartut Inatsisartut Akileraartarnermut Akitsuusiisarnermullu Ataatsimiititaliaata misissuataarpai. Siullermeerinerneq apeqqutit saqqummiunneqartut sukumiinerusumik ersersinneqarnissaat siunertaralugu Aningaasanut Nunanullu Allanut Naalakkersuisoq Akileraartarnermut Akitsuusiisarnermullu Ataatsimiititaliamut allakkamik ulloq 2. oktober 2006-imi nassiussaqqarpoq. Allagaq isumaliutissiissummut matumunnga **Ilanngussaq 1-itut** ilanngunneqarpoq.

Inatsisissatut siunnersuut pillugu tusarniaaneq.

Tusarnianeq pillugu allakkiaq naapertorlugu Akileraartarnermut Pisortaqarfiup inatsisissatut siunnersuut pillugu tusarniaanera piffissami ulloq 19. juni 2006-imit 20. juli 2006-imit ingerlanneqarpoq. Akileraartarnermi inatsisat allat marluk tusarniaanermi aamma ilaatinneqarput, tak. UKA 2006/30 kiisalu UKA 2006/32.

Tusarniaavigineqartut kiisalu tusarniaanermi angusat pillugit inatsisissatut siunnersuummi naliginnaasumik nassuiaatit innersuussutigineqarput.

Tusarniaanermi atortussat annertussusaat pisariunerallu kiisalu tusarniaanermut piffissaliussap aasaanerani sulinngiffeqarnerup nalaanut inissinneqarsimanera eqqarsaatigalugit tusarniaanermut piffissaliussaq sivikippallaartutut Akileraarnermut Akitsuusiisarnermullu Ataatsimiititaliamit isigineqarpoq. Tamanna tunngavigalugu Akileraartarnermut Akitsuusiisarnermullu Naalackersuisoqarfiup tusarniaanermut naammattumik maannamit piffissaliisarnissaa ataatsimiititaliamit kaammattuutigineqassaaq. Akileraartarnermut Akitsuusiisarnermullu Ataatsimiititaliap isummersuutaasa itisilerneqarnissaat kissaatigineqarpat ataatsimiititaliap inatsisissatut siunnersuummut UKA 2006/30-imut isumaliutissiissutaa innersuussutigineqassaaq.

Akileraartarnermut Akitsuusiisarnermullu Ataatsimiititaliap isumaliutersuutai.

Akileraartarnermik ingerlatsinerup qitiusumit ingerlanneqalernissaata malitsigisaanik aalajangersakkanik atuuttunik allannguinnissaq siunnersuummi annertunerpaamik pineqarpoq. Inatsisartuni siullermeerinninnermi Siumumit, Inuit Ataqtigiinnit, Atassumit kiisalu Kattusseqatigiit Partiiannit siunnersuut taparserneqarpoq.

Siunnersuut maanna ilusimisut iluseqartoq Demokraatinit taparserneqarsinnaanngilaq, tassa ilaasut usillu pillugit Namminersornerullutik Oqartussat paasissutissanik qarasaasiatigut aallersinnaanerat aalajangiisuusumik pisariaqartinneqarsorineqanngimmat, tak. nioqqutissanik eqqussuineq annissuinerlu pillugu inatsimmi § 29, imm. 1-tut aamma 2-tut siunnersuutigineqartut.

Tassunga atatillugu nioqqutissanik eqqussuinermi nakkutilliineq kiisalu avataanit tikittunik nakkutilliineq nunatsinni piffinni arlalinni akileraartarnermi ingerlatsiveqarfimmit ingerlanneqartut Aningaasanut Nunanullu Allanut Naalackersuisup 2. oktober 2006-imi allakkamini itisiliivigaa. Taamatut nakkutilliinermi siunertarineqarpoq akitsuutinik akiliinngitsoornissap kiisalu inatsisit allat naapertorlugit nioqqutissanik eqqussuinermi annissuinermilu malittarisassanik unioqqutitsinissap pinngitsoortinnissaat, tassunga ilaallutik hashimik aannajaarniutinillu allanik eqqussuineq.

Tamatumani danskit oqartussaasuiniq suleqateqarneq eqqarsaatigalugu ilaasut usillu pillugit paasissutissanik ingerlaavartumik nutartikkanik akileraartarnermi ingerlatsiveqarfiup ilisimasaqarnissaa assut pingaaruteqartutut Naalackersuisunit isigineqarpoq. Taamaanngippat ilaasut allattorsimaffiisa, usit pillugit nalunaarsuiffiisa il.il. ataavartut tunniunneqarnissaat akileraartarnermi ingerlatsiviup angallassinermik ingerlatsivinnit piumasaqaatigisariaqartassavai. Tamanna angallassisut akileraaruserinermillu ingerlatsiviup piffissamik annertunerusumik aningaasartuuteqarneruneranillu kinguneqassasoq Naalackersuisut isumaqarput.

Tassunga atatillugu innuttaasup paasissutissanik imminerminut tunngasunik nammineerluni aalajangiiffiginissinnaanerata mianerineqarnissaa kiisalu

illuatungaatigut oqartussaasut suliassanik inatsisitigut peqqussutaasunik isumaginninnissaanni naammaginarumik periarfissiinissaq inatsisiliortup akuttunngitsumik oqimaaluttartariaqartarmagu Akileraartarnermut Akitsuusiisarnermullu Ataatsimiititaliap oqaatigissavaa. Paasissutissat inunnut tunnganerusut mianernartullu aammalu atornerlunneqarsinnaasutut aarleqqutigineqarsinnaasut pineqartillugit innuttaasut piginnaatitaaffii ataqqillugit oqartussaasut iliuuseqarnissamut periarfissamik killiliivigineqarnissaaannut tunngavilersuutigineqartut naleqarnerulissapput.

Matumani pineqartumi isummat tamakku imminnut assortuuttut nalilersoreerlugit Akileraartarnermut akitsuusiisarnermullu ataatsimiititaliap isumaqarpoq, ilaasunut nassatanullu paasissutissat qarasaasiat atorlugit akileraartarnermut ingerlatsivik paasissutissanik pissarsinissamut periarfissaqartariaqartoq. Taamaalilluni inuit tikinneranni nioqqutissallu eqqunneqarneranni pitsaasumik naleqquttumillu nakkutilliinissamut piunasaqaatininngarnit annertunerusumik innuttaasut inatsisitigut pisinnaatitaaffiit akulerunnerusooq ataatsimiititaliap isumanngilaq. Tassunga atatillugu paasissutissat katersukkat aallaavittut isigalugu akileraartarnermut ingerlatsiviup ilanngaaseriveqarfiani taamaallaat paarineqarlutillu suliarineqartarnissaat Akileraartarnermut Akitsuusiisarnermullu Ataatsimiititaliamit tunngavissaatinneqarput, paasissutissat allanut ingerlateqqinneqarnissaaannut ersarissumik tunngavissaqartitsoqarsimanngippat. Taama tunngavissaatitsineq Aningaasanut Nunanullu Allanut Naalakkersuisumit uppersarnissasoq ataatsimiititaliap kaammattuutigissavaa.

Akileraartarnermut Akitsuusiisarnermullu Ataatsimiititaliap inassuteqaataa.

Akileraartarnermut Akitsuusiisarnermullu Ataatsimiititaliap isumaqatigiittup siuliani allassimasunik oqaaseqaateqarluni, Inatsisartut aappassaaneerinninnermini inatsisissatut siunnersuut tapersissagaat inassutigaa.

Taama oqaaseqarluni Inatsisartut Akileraartarnermut Akitsuusiisarnermullu Ataatsimiititaliaata siunnersuut Inatsisartunut aappassaaniigassanngortippaa.

Augusta Salling
Siulittaasoq

Lars Emil Johansen

Agathe Fontain

Agnethe Davidsen

Lene Knüppel

[Bilag](#)